



საქართველოს იუსტიციის უმაღლესი საბჭო

ქ. თბილისი № 1/61

“ 17 ” ივნისი 2021 წ.

ბ ა ნ კ ა რ ბ უ ლ ე ბ ა

ლ. ფოლადიშვილის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4¹ პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ლიელა ფოლადიშვილი 2021 წლის 18 ივნისიდან გამწესდეს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე
საქართველოს იუსტიციის უმაღლესი საბჭოს თავმჯდომარე

დასახუთება

ლიელა ფოლადიშვილის თბილისის საქალაქო სასამართლოს მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2021 წლის 22 თებერვლის №1/6 განკარგულებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის თბილისის საქალაქო სასამართლოს ადმინისტრაციულ საქმეთა კოლეგიის მოსამართლის 7 ვაკანტურ თანამდებობაზე.

კანდიდატთა რეგისტრაცია მიმდინარეობდა 2021 წლის 23 თებერვლიდან 9 მარტის ჩათვლით. მითითებულ ვაკანსიაზე დარეგისტრირდა 24 კანდიდატი.

მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ლიელა ფოლადიშვილზე მოძიებულ იქნა „საერთო სასამართლოების შესახებ“ საქართველოს ორგანული კანონის 35² მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2021 წლის 29 მარტს.

კანდიდატის შესახებ მოძიებული ინფორმაცია:

ლიელა ფოლადიშვილს აქვს სპეციალობით მუშაობის 10-წლიანი გამოცდილება. იუსტიციის უმაღლეს სკოლაში ჩარიცხვამდე იგი იყო თბილისის სააპელაციო სასამართლოს აპარატში კონსულტანტი.

ლიელა ფოლადიშვილი იუსტიციის უმაღლესი სკოლის მე-15 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით, ლიელა ფოლადიშვილმა წარმატებით გაიარა თეორიული სწავლების, სტაჟირებისა და სემინარული მუშაობის ეტაპები, წარმატებით ჩააბარა სკოლის დამამთავრებელი გამოცდა. კანდიდატი იყო დისციპლინირებული მსმენელი.

სკოლაში სწავლის პერიოდში მას არ დაკისრებია დისციპლინური პასუხისმგებლობა.

კანდიდატთან გასაუბრება:

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ლიელა ფოლადიშვილს გაესაუბრნენ 2021 წლის 3 ივნისს. გასაუბრება წარიმართა ღია სხდომაზე.

კანდიდატის შეფასება:

2021 წლის 7 ივნისიდან 11 ივნისამდე პერიოდში იუსტიციის უმაღლესი საბჭოს 12-მა წევრმა კანდიდატი ლიელა ფოლადიშვილი შეაფასა კომპეტენტურობისა და კეთილსინდისიერების კრიტერიუმების მიხედვით.

ლიელა ფოლადიშვილის კეთილსინდისიერების კრიტერიუმით შეფასებისას, საბჭოს შემფასებელმა 11 წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს, ხოლო ერთმა წევრმა მიიჩნია, რომ აკმაყოფილებს.

საბჭოს წევრთა მიერ ლიელა ფოლადიშვილის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 1035 ქულა, რაც ქულების მაქსიმალური რაოდენობის 86.25%-ია.

კენჭისყრის შედეგები:

2021 წლის 17 ივნისს თბილისის საქალაქო სასამართლოს ადმინისტრაციულ საქმეთა კოლეგიის მოსამართლის მე-5 ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 12-მა წევრმა მიიღო, ლიელა ფოლადიშვილმა მოიპოვა 11 ხმა.

აღნიშნულ ვაკანსიაზე ბიულეტენში შეყვანილ იქნა 20 კანდიდატი, მათგან 4 მოქმედი პირველი ინსტანციის მოსამართლე, 1 ყოფილი მოსამართლე და 15 იუსტიციის უმაღლესი სკოლის ყოფილი მსმენელი, კერძოდ:

- | | |
|----------------------------------|--------------------------------------|
| 1. ბუგიანიშვილი ვალერიან - 0 ხმა | 11. კაჟაშვილი ლიანა - 0 ხმა |
| 2. გზირიშვილი ალექსანდრე - 0 ხმა | 12. მაკარაძე დავით - 0 ხმა |
| 3. გოცირიძე კობა - 0 ხმა | 13. ტყეშელაშვილი ირინე - 0 ხმა |
| 4. ელიაძე ეკატერინე - 0 ხმა | 14. ტყეშელაშვილი რომეო - 0 ხმა |
| 5. ენუქიძე ნინო - 0 ხმა | 15. ფოლადიშვილი ლიელა - 11 ხმა |
| 6. ზვიადაძე გიორგი - 0 ხმა | 16. ყოლბაია ლევან - 0 ხმა |
| 7. თოდუა უჩა - 0 ხმა | 17. ჩიკაშუა ირაკლი - 0 ხმა |
| 8. თუნაური გიორგი - 1 ხმა | 18. ჭილაია კოტე - 0 ხმა |
| 9. კალანდაძე თეა - 0 ხმა | 19. ჯავახიშვილი მაია - 0 ხმა |
| 10. კაპანაძე თორნიკე - 0 ხმა | 20. ჯინჭველაშვილი ეკატერინე - 0 ხმა. |

დასკვნა:

კანდიდატ ლიელა ფოლადიშვილის კეთილსინდისიერების და კომპეტენტურობის კრიტერიუმების გათვალისწინებით, კენჭისყრის შედეგების საფუძველზე, სხვა კანდიდატებთან შედარებით უპირატესობა მიენიჭა და შესაბამისად თბილისის საქალაქო სასამართლოს ადმინისტრაციულ საქმეთა კოლეგიის მოსამართლის თანამდებობაზე 3 წლის ვადით განწესდა ლიელა ფოლადიშვილი.

ნიკოლოზ მარსაგიშვილი
საქართველოს იუსტიციის
უმაღლესი საბჭოს მდივანი

